

ՆԱԽԱԴՊՐՈՑԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅԱՆ
ՄԱՆԿԱՎԱՐԺԱԿԱՆ ԱՇԽԱՏՈՂՆԵՐԻ ՎԵՐԱՊԱՏՐԱՍՏՈՒՄ

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Ավագ նախադպրոցականի հաղորդակցական
ունակությունների զարգացման մանկավարժական պայմանները
Վերապատրաստվող՝ Բաղայան Աստղիկ Ժորայի Արտաշատ
համայնքի Դվին գյուղի մանկապարտեզ ՀՈԱԿ

Երևան 2022

Բովանդակություն

Ներածություն	1
Գլուխ 1. Հաղորդակցական կարողությունները և դրանց զարգացման մանկավարժական պայմանները	5
1.1 «Հաղորդակցական կարողություն» հասկացության էությունը.....	5
1.2 Ժամանակակից մեդիամիջավայր, դրա նշանակությունը և կարևորությունը երեխայի մոտ որպես հաղորդակցական ունակություն	8
Գլուխ 2. Հետազոտական մաս: Ավագ նախադպրոցականի հաղորդակցական ունակությունների զարգացման մանկավարժական պայմանները դերախաղի միջոցով.....	11
Եզրակացություն	18
Օգտագործված գրականության ցանկ	20

Ներածություն

Թեմայի արդիականությունը: Ամբողջ աշխարհում խոսքի և հաղորդակցման դժվարություններ ունեցող երեխաների թիվը գնալով ավելանում է՝ կենդանի շփման պակասի, այդ շփումը թվային տեխնոլոգիաների դաշտ և մեդիամիջավայր տեղափոխելու հետևանքով: 21-րդ դարում հրատապ է դարձել մանկահասակ երեխաների հաղորդակցման կարողությունների ձևավորման խնդիրը և այն մշտապես արդիական է: Հաղորդակցման կարողություններ ասելով հասկանում ենք տարբեր իրավիճակներում երեխաների արագ կողմորոշումն ու վերբալ և ոչ վերբալ հաղորդակցման միջոցների ազատ կիրառումը:

Անվիճելի է, որ ժամանակակից պայմաններում երբեք չի կարելի ուսուցումը մեկնաբանել որպես երեխաների մեջ միայն գիտելիքների, կարողությունների և հմտությունների որոշակի համակարգի ձևավորում: Այժմ խնդիր է դրվում ուսուցումը կազմակերպել այնպես, որ այն առավելագույն չափով ապահովի երեխաների մտավոր զարգացումը: Դրա համար էլ սովորաբար խոսում են ոչ թե պարզապես ուսուցման, այլ զարգացնող ուսուցման մասին: Զարգացումը դառնում է մանկավարժական գործնթացի գլխավոր բառը, որպես "սովորել" հասկացության այլընտրանք:

Մանկահասակ երեխաների հաղորդակցման կարողությունների ձևավորման արդիականությունը պայմանավորված է արտաքին միջավայրի հետ արդյունավետ փոխներգործելու ընդունակությունների զարգացմամբ՝ դերային խաղերի միջոցով:

Դերային խաղն արդյունավետ իրականացնելու նախապայամանը առաջարկվող դերային իրավիճակի՝ իրականությանը հնարավորինս մոտ լինելու մեջ է: Հոգեբանության մեջ խաղի վերաբերյալ կան բազմաթիվ տեսություններ: Կարլ Գրուսը գտնում էր, որ խաղը հանդիսանում է երեխայի օրգանիզմի անգիտակից պատրաստակամությունը կյանքին: Խաղի աղբյուր են հանդիսանում բնագոյները, կենսաբանական մեխանիզմները: Շիլլերը և Սպենսերը խաղը դիտում էին, որպես երեխայի մոտ կուտակված ավելորդ էներգիայի վատնում: Կ. Բյուլերը խաղի աղբյուր համարում էր հաճույքը, որը երեխան ստանում է խաղից: Ջ. Ֆրոյդը գտնում էր, որ երեխան խաղում է անլիարժեքության կոմպլեքսից դրդված: Երեխան, չունենալով հնարավորություն իրական կյանքում լինելու բժիշկ, վարորդ և այլն, այն փոխարինում է խաղային դերերով: Այս բոլոր տեսությունները խաղի հիմքում դնում էին

բնագոյները, կենսաբանական մեխանիզմները և գտնում էին, որ խաղի ցանկությունը երեխայի մոտ ծագում է սպոնտան կերպով՝ ինքնաբերաբար: Այդ նպատակով վերլուծենք երեխաների հաղորդակցման կարողությունների զարգացումը դերային խաղերի միջոցով, որն էլ ապահովում է մեր կողմից ընտրված թեմայի արդիականությունը և հրատապությունը:

Ուսումնասիրության նպատակը: Տվյալ աշխատանքի նպատակն է ներկայացնել դերայի խաղերի ազդեցությունը երեխաների հաղորդակցական կարողությունների ձևավորման վրա: Ուսումնասիրությունների նպատակից ելնելով առաջ են քաշվել հետևյալ **խնդիրները**.

1. Ներկայացնել հաղորդակցական կարողությունների էությունը.
2. Ուսումնասիրել դերային խաղերի ազդեցությունը երեխայի հաղորդականցական կարողության վրա:

Գլուխ 1. Հաղորդակցական կարողությունները և դրանց զարգացման մանկավարժական պայմանները

1.1 «Հաղորդակցական կարողություն» հասկացության էությունը

Առհասարակ, «հաղորդակցական կարողություններ» հասկացությունը երեխայի մակարդակով դիտելիս պետք է այն հասկանալ նախ որպես այդ տարիքի երեխաների համար սոցիալական ադապտացման միջոց, որն իր մեջ ներառում է մի շարք այլ հասկանությունների և երևույթների համալիր: Վերջիններիս մեջ հարկ է առանձնացնել երեխայի սոցիալական ուղղվածության անհատական-հոգեբանական այնպիսի որակներ, ինչպիսիք են ապրումակցումը, կոնտակտը, բարեհամբույր գտնվելը, բացի այս ամենը, «հաղորդակցական կարողություններ» հասկացության տակ պետք է նշել սոցիալ-հաղորդակցական գործունեության գիտելիքների մակարդակը, որի տակ հիմնականում կարելի է նշել առանց կոնֆլիկտների շփման ունակությունները, համապատասխան վարքը, միջանձնային իրավիճակներում ճիշտ կողմորոշումը և այլն: Մասնագետներից ոմանք «հաղորդակցական կարողություններ» հասկացության տակ խիստ կարևորում են նաև սոցիալականացման ընթացքում երեխայի պահանջն ու ցանկությունը մտնել սոցիալ-հաղորդակցական գործունեության մեջ, վերլուծել, հնարավորինս ադեկվատ լինել, հետևել սեփական վարքին, խոսքին: Վերջինիս հետ կապված նշենք նաև, որ այս ամենը հատկապես կարևորվում են մեծահասակների /ծնողներ, հարազատներ, մանկավարժական կազմ/ հետ շփվելիս: Ինչպես նշում է Ս. Շումանը, երեխաների մոտ առաջանում է այսպես ասած՝ մեծահասակ լինելու զգացողություն, որի ազդեցությամբ էլ պայմանավորված կարելի է նկատել այնպիսի երևույթներ, ինչպիսիք դիմադրությունն է մեծահասակների պահանջների հանդեպ, սեփական իրավունքների, ցանկությունների հիվանդագին ընդունումն ու ակտիվորեն պաշտպանությունը:¹ Այս ամենն իհարկե, դժվարեցնում են մեծահասակի և երեխայի հաղորդակցման ընթացքում մտերմիկ մթնոլորտ ստեղծելու շանսերն ու բարդություններ առաջացնում երեխայի սոցիալականացման գործընթացում:

¹ Шуман С.Г. Школьный конфликт глазами психолога. // Педагогика, 2001. №9, էջ 46-48:

Հաղորդակցական կարողությունների ձևավորման մեկ այլ մակարդակ է ստեղծվում երեխայի և իր հասակակիցների հետ շփման ընթացքում: Այստեղ արդեն երեխաների մոտ հաղորդակցումն առաջ է գալիս փոխադարձ հետաքրքրությունների, վստահության, շրջապատող երևույթների հանդեպ ունեցած համատեղ ընկալման և նույնարժեք երևույթների հայտնաբերման շնորհիվ: Հասակակիցների հետ խիստ սերտ հաղորդակցական կարողությունների հաշվին ձևավորվում են /կարող է նաև հետագայում ձևավորվել/ փոքրիկ խմբեր /կոլեկտիվներ/, որտեղ կարող են գործել մենահատուկ օրենքներ, կանոններ և այլն: Իհարկե, հասկանալի է, որ այս ամենը դիտվում է փոքր, մակերեսային մակարդակներում, քանի որ, չմոռանանք, որ խոսքը գնում է երեխայի մասին, բայց սա մեզ թույլ չի տալիս չնշել, որ հենց երեխայի տարիքում վերոնշյալ երևույթների առկայությունն է ապահովում երեխայի անձի ձևավորման և սոցիալականացման ողջ ընթացքում հաղորդակցական հմտությունների զարգացումը, կատարելագործումը, լիիրավ տիրապետումն ու կիրառումը: Հասակակիցների հետ շփման, հաղորդակցական հմտությունների ստեղծման հարցում հավելենք նաև, որ երեխայի մոտ չենք կարող առանձնացնել առանձնապես տարբերվող հաղորդակցում հակառակ սեռի ներկայացուցչի հետ: Երեխայի համար իր հասակակցի սեռային առանձնահատկությունները նույնականացված են իր իսկ սեռային առանձնահատկություններին, և երեխան հաղորդակցման գործընթացում խիստ չի առանձնացնում հակառակ սեռին այնպես, ինչպես դա կաներ դեռահասը:²

Հարկ է նշել, որ հաղորդակցման կարողություններին անդրադառնալ երեխային ուսումնասիրելիս մեզ ստիպում են մի քանի հանգամանքներ. նախ այն, որ մուտք գործելով մանկապարտեզ սոցիալական կառույց /իր համար բոլորովին նոր վայր/, երեխան բացահայտում է իր սոցիալական տարածության մեջ մի նոր վայր, որտեղ կան մարդկային հարաբերություններ, հաղորդակցում, շփում: Բացի դա, ուսումնական պարտականությունները ստեղծում են պատասխանատվություն, որն էլ արտահայտվում է մանկավարժական կազմի հետ անընդհատ շփվելիս, հաղորդակցվելիս, ինչը ևս ցույց է տալիս հաղորդակցման կարողություններին անդրադառնալ հենց առաջին իսկ տարիներից: Չմոռանանք, նաև նշել երեխայի դրդապատճառների /մոտիվացիաների/ մասին: «Ես պետք է» դրդապատճառը վերածվում է «Ես ուզում եմ»-ի և սոցիալական նոր

² Мухина В.С. Возрастная психология: феноменология развития, детство, отрочество: Учебник для вузов. – М.: Академия, 2003, էջ 141-147:

սպասելիքների արդարացման ճանապարհին երեխան ձեռք է բերում հաղորդակցական նորանոր կարողություններ, հմտություններ: Ոչ պակաս կարևոր է այն հանգամանքը, որ առաջին անգամ մանկապարտեզն մեկ է ուսումնական գործընթացում երեխայի առջև դնում ճիշտ և գրագետ խոսելու պահանջներ, որոնք անընդհատ բավարարելու համար երեխան պետք է ձգտի տիրապետել գրագետ ու վարժ կոնկրետ խոսքի, մտքի: Վերջին հանգամանքը հաճախ ստիպում է երեխային շփվել, ստեղծել հաղորդակցական հմտությունների ձեռքբերման տարատեսակ առիթներ: Վերջին հանգամանքի հետ կապված, լիովին համաձայնվելով հայտնի մանկավարժ, տեսաբան Ժան Պիաժեի հետ, նշենք, որ երեխայի մտքի, խոսքի, հաղորդակցական կարողությունների, շփման ունակությունների ձևավորման գործում ամենամեծ դերը մայրենի լեզվի յուրացման և տիրապետման գործընթացի դերն է: Այսինքն, խոսքային ազդեցության արդյունավետությունը պայմանավորված է լեզվական միջոցների հարստությամբ ու բովանդակությամբ: Խոսքն ինքնին հաղորդակցման ամենատարածված միջոցն է, թեպետ, հաղորդակցման միջոց է ոչ միայն խոսքային վերբալ տեսակը /գրավոր և բանավոր/, այլև՝ ոչ խոսքայինը: Բնականաբար, հաղորդակցման ընթացքում, իր դերով ու նշանակությամբ, առանձնանում է խոսքային միջոցը, որովհետև վերջինս բնորոշ է միայն մարդկանց և, բացի դրանից, հանդես է գալիս որպես հաղորդակցական կարողությունների ձեռքբերման ամենաուժեղ գրգռիչ:

Այսպիսով, հաղորդակցական կարողությունների յուրացմամբ պայմանավորված առանձնացնում ենք հաղորդակցման միասնական գործընթացի պայմանականորեն առաջադրված 3 կողմեր. տեղեկատվության փոխանցում, փոխազդեցություն, փոխադարձ ընկալում: Ինչ վերաբերում է հաղորդակցման տեսակներին, ապա նշենք, որ հաղորդակցման տեսակներն ու տիպերը բազմազան են: Հաղորդակումը կարող է լինել միջանձնային և ներանձնային, ներխմբային և միջխմբային: Միջանձնային հաղորդակցումը երկու և ավել մարդկանց միջև տեղի ունեցող փոխհարաբերությունն է: Վաղ տարիքից մտնելով հաղորդակցման մեջ, երեխան իրեն համեմատում է մյուս երեխաների հետ և ինքն էլ աստիճանաբար աննկատելիորեն սկսում է <վարակվել> հաղորդակցման տվյալ ոլորտում տիրապետող մթնոլորտով ու իրեն պահում է իր ամենօրյա վարքագծին ոչ հատուկ ձևով: Ինչ վերաբերում է ներանձնային հաղորդակցմանը, ապա այն տեղի է ունենում միևնույն անձի ներսում՝ նրա տարբեր ԵՄ-

երի երկխոսության ընթացքում: Ներխմբային հաղորդակցման դեպքում իրար հետ են հաղորդակցվում միևնույն սոցիալական, էթնիկական, մասնագիտական խմբին պատկանող անձինք, իսկ միջխմբային հաղորդացումը դա հաղորդակցական փոխազդեցության մի այնպիսի ձև է, որի ընթացքում ինֆորմացիայի հոսքը ցիրկուլացվում է երկու կամ ավել թվով անձանցից բաղկացած սոցիալական խմբերի կամ կազմակերպությունների միջև որևէ համատեղ գործունեության նպատակով:

1.2 Ժամանակակից մեդիամիջավայր, դրա նշանակությունը և

կարևորությունը երեխայի մոտ որպես հաղորդակցական ունակություն

Ժամանակակից հասարակության մշակույթը նախորդ ժամանակաշրջանների համեմատությամբ անսովոր փոփոխական է. նրա կողմնորոշիչները շատ ավելի արագ են փոխվում, քան երբևէ, ու բազմաթիվ ուղղություններով: Իսկ այդ մշակույթի առանցքը հիմնականում ՁԼՄ-ներն են, որոնցում ավելի ու ավելի մեծ թիվ են կազմում էլեկտրոնայինները: Գլոբալ տեղեկատվականայնացումը բնական և մարդկային կենսագործունեության նոր միջավայր է ձևավորում: Եվ կրթությունը, որպես մշակույթի համակարգում հանդես եկող առանձնահատուկ գործունեություն, բնականաբար, չի կարող հեռու մնալ այս գործընթացից: Այս ամենի մասին լիարժեք պատկերացում կազմելու համար գործընթացը պետք է դիտարկել համակողմանիորեն՝ փիլիսոփայական, սոցիալական, մշակութային, հոգեբանական, մանկավարժական և այլ տեսակյուններից:

Մանկավարժական տեսանկյունից քննարկվում են հետևյալ խնդիրները.

- ուսուցման որակի ապահովում և կրթական բաց համակարգերի (բաց կրթության) կառուցման սկզբունքներ.
- տեղեկատվական և հաղորդակցման տեխնոլոգիաները լրացուցիչ կրթության մեջ.
- նոր տեղեկատվական տեխնոլոգիաները՝ որպես ստեղծական կարողությունների և մասնագիտական կողմնորոշման միջոց.
- կրթության հոգեբանական, մանկավարժական խնդիրները տեղեկատվական հասարակության պայմաններում.

- տեղեկատվական հասարակության մեջ գլոբալիզացիան և կրթության ու կրթական ծառայությունների ինտեգրումը.

- տեղեկատվական տեխնոլոգիաների դաստիարակչական ազդեցությունը.

- տեղեկատվական տեխնոլոգիաների ազդեցությունը անհատի մտավոր զարգացման վրա և այլն:

Ժամանակակից հասարակության համակարգչայնացման և տեղեկատվականայնացման իրական գործընթացն է որոշել խնդրի տարբեր տեսանկյունները վերլուծող մի շարք ուսումնասիրությունների ուղղությունները.

- ուսուցման մեջ մարդու և մեդիայի փոխհարաբերության սոցիալ-փիլիսոփայական և հումանիտար տեսանկյուններ.

- առանձին մեդիաների ազդեցությունը երեխաների զարգացման, դաստիարակության և ուսուցման վրա.

- ուսուցման մեջ համակարգչային տեխնիկայի օգտագործման հոգեբանական հիմնավորում.

- ժամանակակից SS միջոցների փոխանցած բռնության խնդիր:

Մանկապարտեզը պարտավոր է ծանոթացնել և սովորեցնել երեխային ՋԼՄների տարբեր տեսակների հետ, օգնել նրանց մեջ ճիշտ ընտրություն կատարելուն՝ ելնելով նրանց բովանդակությունից, որակից, տեղեկատվության ծավալից, ինքնակրթության և ինքնադաստիարակության նպատակով տեղեկատվությունն օգտագործելու նպատակահարմարությունից: Մանկապարտեզը ընտանիքի հետ միասին պետք է վերահսկի երեխաների վերաբերմունքը ինֆորմացիոն համա կարգերի, ծրագրերի նկատմամբ, պիտի կարողնա դրանք մանկավարժորեն ճիշտ օգտագործել ուսուցման և դաստիարակության գործում: Այլ խոսքով, մանկապարտեզը պետք է օգնի ընտանիքին՝ երեխայի տեղեկատվական միջավայրի մանկավարժականացման գործում, այսինքն՝ ծնողներին և երեխային սովորեցնել մանկավարժորեն գրագետ օգտագործել ՋԼՄ-ները՝ և հակառակը՝ կանխարգելել դրանց բացասական ազդեցությունները: Այս հարցում իրենց առանձնակի դերն ունեն նաև դաստիարակը³:

Աշխատանքային եւ սոցիալական միջավայրերի, դրանցում գործածվող տեխնոլոգիաների հաճախակի փոփոխությունները մեր օրերի մարդուն ստիպում են

³ Саффилов Л. , Подростки- зрители мыльных опер, Массовая культура. современные западные исследования - Сборник статей - Часть I, www.fedy-diary.ru/html/112010/021/2010-02a.html.

անընդհատ յուրացնել նոր գիտելիքներ եւ հմտություններ, պատրաստ լինել շարունակական ուսման: Բայց սա ճիշտ է ոչ միայն մարդկանց, այլև կազմակերպությունների, ինչպես նաև՝ ամբողջ հասարակության վերաբերյալ, քանի որ հասարակության կրթական մակարդակը եւ սովորելու կարողությունները սկզբունքային նշանակություն են ստանում երկրի զարգացման եւ միջազգային տնտեսական մրցունակության համար: Մարդկանց սովորելու ունակությունները մեծացնելու եւ գիտելիքն արդիականացնելու խնդրի առաջնահերթության գիտակցումը, իր հերթին, ենթադրում է մշտական աշխատանք եւ նշանակալի ներդրումներ երկրի կառավարության կողմից:

Այսպիսով, մեղիամիջավայրում երեխաների հաղորդակցման կարողությունների ձևավորման առանձնահատկությունների դիտարկման արդյունքում կարող ենք եզրակացնել, որ այն բազմակողմանի ու բարդ գործընթաց է, մշտապես եղել և գտնվում է գիտության տարբեր ոլորտների՝ մանկավարժության, մեղիակրթության, հոգեբանության, հոգելեզվաբանության, լեզվաբանության, լեզվի դասավանդման մեթոդիկայի մասնագետների հետաքրքրությունների կիզակետում: Գլխավոր հարցը, որ քննվում է այս բնագավառների մասնագետների կողմից, հետևյալն է. մեղիամիջավայրում երեխաների լեզվամտածողությունը և հաղորդակցական կարողությունը ձևավորվում և դրսևորվում են գիտակցականի^օ, թե^օ ենթագիտակցականի մակարդակում:

Գլուխ 2. Հետազոտական մաս: Ավագ նախադպրոցականի հաղորդակցական ունակությունների զարգացման մանկավարժական պայմանները դերախաղի միջոցով

Դերային խաղը հաճախ կիրառում ենք, երբ անհրաժեշտ է զարգացնել երեխաների՝ միջանձնային հարաբերությունների հմտությունները (բանակցելու, հետադարձ կապ ստեղծելու և այլն): Դերային խաղերի կիրառությունը զարգացնում է երեխայի գործնական հմտությունները⁴:

Դիտարկենք դերային խաղերի հնարավոր տարբերակները.

- Դաստիարակը ներկայացնում է խաղնթացի նյութը և կատարում մի քանի հարցադրում: Երեխաները բաժանվում են փոքր խմբերի, և խմբերից յուրաքանչյուրը ներկայացնում է դերային խաղ այդ հարցադրումներից մեկի վերաբերյալ: Սովորաբար այդ նպատակով երեխաները դիմում են իրական կամ երևակայական կոնկրետ դեպքի ներկայացմանը: Դեպքը ներկայացնելու ընթացքում մնացած երեխաները դիտում են: Ներկայացումներին հաջորդում են քննարկումները:

- Դաստիարակը ներկայացնում է խաղընթացի նյութը: Երեխաները բաժանվում են խմբերի, որոնցից յուրաքանչյուրը ստանձնում է իր դերը (օրինակ՝ ներկայացնողներ և ընդդիմախոսներ, կողմ և դեմ խմբեր և այլն): Կազմակերպվում է քննարկում, որի ընթացքում միաժամանակ վեր են հանվում և վերլուծվում բազմաթիվ խնդիրների տարբեր կողմերը:

- Խաղընթացի բնույթից և երեխաների ընդհանուր գիտելիքներից կախված՝ կարելի է դիմել նախկին փորձի ներկայացմանը: Այդ դեպքում երեխաները դիմում են իրենց իսկ փորձառությունից բխող իրավիճակին: Այդպիսի դերային ներկայացմանը հաջորդում է քննարկումը:

- Հնարավոր է կազմակերպել նաև առավել բարդ դերային խաղեր, դուրս գալ խաղի սահմաններից՝ առավել վաղ դերաբաժանում կատարելով և երեխաների և բավականաչափ ժամանակ տրամադրելով՝ դերերը հետազոտելու և նախապատրաստվելու համար:

⁴ Աստվածատրյան և ուրիշներ, Նոր մոտեցումներ ու պատրաստման գործընթացին այլընտրանքային մեկնաբանություններ, 2004, էջ .22:

• Դերային խաղի մեկ այլ տարբերակի դեպքում դաստիարակը կատարում է դերաբաժանում, նա խապես հանձնարարում է որոշակի նյութ, դեր, և անկախ իր սեփական դիրքորոշումից՝ երեխան պարտավորվում է գործել, ներկայանալ իր ստանձնած դերին համապատասխան:

Մեթոդն արդյունավետ է, եթե ինքնանպատակ չէ, այսինքն նախապես հայտնի են ուղղվածությունն ու խնդիրները: Եվ որպեսզի այն տա դրական արդյունք, անհրաժեշտ է հետևել մի քանի բաղկացուցիչ տարրերի պահպանմանը: Այսպես՝

1. Դերային խաղի կիրառման դեպքում անհրաժեշտ է հստակեցնել ուսուցման նպատակը:

2. Նախապես պլանավորե՛ք լսարանում դերերի բաժանման ձևը:

3. Անհրաժեշտության դեպքում երեխաների և նախապես ծանոթացրե՛ք վերլուծության նյութին:

4. Երբ զգում եք, որ երեխաները շեղվում են բուն նյութից, միջամտե՛ք նոր հարցադրումներով:

5. Դերախաղի ավարտին ներկայացնողներին և դիտորդներին առանձին հարցրե՛ք, թե ինչը նրանց առավել դուր եկավ, և ինչը կարելի էր փոփոխել:

6. Հարցրե՛ք երեխաների և, թե դերային խաղի հատկապես ո՞ր հատվածն էր ուսուցանող, և ինչ սովորեցին արդյունքում:

7. Վերջում դու՛րս բերեք այն առանցքային հիմնախնդիրները, որոնց ուղղված էր դերային խաղը⁵:

Մեծահասակի հետ երեխայի համատեղ գործունեության սոցիալական իրադրությունը վերանում է: Մեծահասակից առանձնացումը ստեղծում է նոր սոցիալական իրադրություն, որում երեխան ձգտում է ինքնուրույնության: Միտումը բնական է և մշտական: Քանի որ երեխան արդեն գիտի, որ գոյություն ունեն մեծեր, ապա նրա առջև ծագում է մեծ մարդկանց բարդ աշխարհը: Մինչ այդ ժամանակը երեխան սովոր էր ապրել մեծերի հետ: Այս միտումը պահպանվում է, բայց պետք է լինի այլ համատեղ կյանք՝ երեխայի կյանք մեծահասակի կյանքում: Բայց այս տարիքում ևս երեխան չի կարող դեռևս մասնակցել այն կյանքին, որը պատկանում է մեծերին: ԵՎ մեծահասակների հետ համատեղ կյանքի իդեալական ձևը երեխայի համար դառնում է

⁵ Մանկավարժություն, 2007 3-4:

խաղը: Ուստի նախադպրոցական տարիքի առաջատար գործունեության հիմնական տեսակը խաղն է: Առանձնացնում են հետևյալ տարրերը.

1. Մեծահասակի դերը, որը երեխան կրում է:

2. Հորինված իրադրություն, որը ստեղծվում է երեխայի դերի իրականացման համար, այս իրադրության բովանդակությունը կազմում է առարկաների (խաղալիքների) փոխարինումը:

3. Խաղային գործունեություն, քանի որ երեխան գործ չունի այն իրերի հետ, որոնք գործածում է մեծահասակը, ապա դրանց հետ չի կարելի աշխատել մեծերի նման, այլ կարելի է խաղալ:

Խաղն առաջատար է դառնում ոչ այն պատճառով, որ ժամանակակից երեխան որպես կանոն, իր ժամանակի մեծ մասն անց է կացնում խաղալով և համեմատաբար քիչ է ներգրավվում մեծահասակների աշխատանքային գործունեության մեջ: Խաղը երեխայի հոգեկանում որակական փոփոխություններ է առաջացնում: Նրանում սաղմնավորվում են ուսումնական գործունեության հիմքերը, որը առաջատար է դառնում դպրոցական տարիներին⁶: Խաղը ահռելի ազդեցություն ունի երեխայի անձի զարգացման վրա:

Միջավայրը իր երևույթների հարստությամբ և բազմազանությամբ, երեխային անընդհատ բացվող նոր ձևերով, որակներով և հարաբերություններով, հոգ է տանում նրա համար, որպեսզի երեխաները խաղան: Մեծահասակները պետք է ավելի շուտ երեխաներին չխանգարեն խաղալ, քան նրանց դրդեն խաղալու: Անհրաժեշտ է, որպեսզի երեխաներին շրջապատող մեծահասակները անտարբեր կամ բացասական վերաբերմունք չունենան մանկական խաղի նկատմամբ և այդ վերաբերմունքը չփոխանցվի երեխային: Առանց խաղային հնարավորության երեխայի ամբողջ գործունեությունը կնեղանար նրա սահմանափակ կենսական կարողությունների շրջանակով, բավարար չափով չէր զարգացնի նրա ֆունկցիաները և չէր հարստացնի միջավայրի հետ կապերն ու հարաբերությունները: Խաղի միջոցով երեխայի մոտ կազմվում և դաստիարակվում են կամ անտարբեր կամ դրական կամ էլ բացասական վերաբերմունք նրա կողմից վերարտադրվող երևույթների նկատմամբ, որոշ երևույթներով դարձնելով հետաքրքիր կամ ատելի:

⁶ Столяренко Л.Д., Основы психологии Ростов 2003, էջ 51:

Այսպիսով՝ երեխայի մոտ խաղ ձևավորելու համար անհրաժեշտ են.

ա) շրջապատում այնպիսի երևույթների և գործընթացների առկայություն, որոնք նոր են երեխաների համար և անմիջականորեն հասանելի

բ) միջավայրում այդ երևույթների կենսական նշանակալիությունը

գ) ինչ-որ մեկի կողմից դրանց նկատմամբ առավելապես դրական վերաբերմունքը:

Խաղը գործունեության տեսակ է, որի դրդապատճառը ոչ թե նյութական արդյունքն ու օգուտ ստանալն է, այլ հաճելի ապրումները, ընդունակությունների մարզումը, կապերի ստեղծումը: Խաղի տարբեր տեսակներ մեծ նշանակություն ունեն երեխայի օնտոգենետիկ զարգացման և հոգեկան հասունացման ապահովման համար:

Այս տարիքի հետ է կապված նաև զարգացման համար կարևոր գործունեության 2 տեսակների սկզբի հետ՝ աշխատանք և ուսում: Բացի խաղից նախադպրոցական տարիքում կան գործունեության այլ տեսակներ ևս, օրինակ նրա արդյունավետ ձևերը՝ նկարչություն, ծեփակերտում և այլն: Նրանց բնորոշ գիծն այն է, որ նրանք ունեն նպատակ, որն իրականացվում է հայտնի պայմաններում, հայտնի նյութերի օգտագործումով և հայտնի գործիքներով⁷:

Հոգեբանության մեջ տարբերում են խաղի տարբեր տեսակներ, որոնցից յուրաքանչյուրը ունի իր ուրույն առանձնահատկությունները և նպաստում է երեխաների հոգեկան որակների յուրահատուկ զարգացմանը: Խաղի տեսակներն են՝

Ֆունկցիոնալ խաղեր - արդեն 3-4 ամսական երեխայի վարքին հետևելիս դժվար չէ նկատել, որ նա հաճախակի կրկնում է նույնիսկ այն գործողությունները, որոնց նա լավ տիրապետում է: Դա կատարվում է այն պատճառով, որ երեխան այդ կրկնությունից հաճույք է ստանում: Այդպես է սկսվում նոր անձնավորության խաղային գործունեությունը: Նման բնույթ ունի նաև այդ տարիքում դիտվող նախաթոթովանքը: Հաճույք ստացող երեխան չի ձանձրանում, հետևապես կարելի է ասել, որ խաղալու առաջնային ներհոգեկան շարժիչ ուժերից մեկը ձանձրույթից խուսափելն է:

Սիմվոլային խաղեր – ֆունկցիոնալ խաղերը պահպանելով հանդերձ՝ 1-2 տարեկան հասակի երեխաները իրենց խաղային գործողությունների մեջ ներմուծում են նոր տարրեր, որոնք խոսում են սիմվոլային խաղերի սկզբնավորման մասին: Ֆունկցիոնալ խաղերից անցում է կատարվում սիմվոլային խաղերին, երբ որոշ առարկաներ

⁷ Карнова С.Н., Лысюк Л.Г., Игра и нравственное развитие дошкольника, М 1986, էջ 52:

օգտագործվում են, որպես տվյալ իրադրության մեջ բացակայող առարկաների փոխարինողներ, օրինակ՝ երեխան խորանարդիկները շարելով տեղաշարժում է այդ կառույցը:

Դերային խաղ – 3-4 տարեկանում սիմվոլիկ խաղերի կողքին հանդիպում են միջանկյալ այնպիսի գործընթացներ, որոնք թույլ են տալիս կանխատեսել դերային խաղերի վրա հասնելը:

Խաղեր ըստ կանոնների և խաղ-մրցություններ - երեխաների տարիքին զուգընթաց խաղերը սկսում են անցկացվել որոշակի կանոններով և ինչ-որ նպատակ հետապնդել: Երեխաները որոշում են խաղի մասնակիցների գործողությունների հաջորդականությունը, որոշում են, թե ինչ է կարելի և ինչ չի կարելի, և հաճախ այնպիսի խաղեր են կազմակերպում, որոնցում կան հաղթողներ և պարտվողներ:

Էլիմինացիոն խաղ – այն խորապես ուսումնասիրել է Ժան Պիաժեն: Էլիմինացիոն խաղերը ուսումնասիրենք Պիաժեի բերած օրինակի վրա՝ փոքրիկ աղջիկը դրսում սատկած աղավնի է տեսնում և շատ ազդվում այդ պատկերից: Տուն վերադառնալով նա կրծքի վրա պտոկում է հատակին և ասում է. □Ես հիմա մեռած աղավնի եմ□:

Զգայական խաղ - այս խաղի նպատակը զգայական փորձի ձեռքբերումն է: Երեխաները կարող են անընդհատ խաղալ ջրով, տարբեր խոտեր ծամել, աղմկել սպասքով կամ պոկել ծաղիկների տերևները, միայն այն բանի համար, որպեսզի հաճույք ստանա նոր ձայներից, հոտերից, համային և շոշափական զգայություններից:

Շարժական խաղ – վազք, թռիչքներ, գալարներ՝ սրանք մի քանիսն են այն բազմաթիվ շարժումներով խաղերից, որոնցից երեխաները հաճույք ստանում են հենց խաղային պրոցեսի շնորհիվ: Մանկիկը, մեծահասակի մասնակցությամբ, կարող է երկար իրականացնել միևնույն գործողությունը, որը ոչ միայն երեխաներին էներգիա է հաղորդում, այլ նաև նրանց համար հանդիսանում է սեփական մարմնի շարժումները կոորդինացնելու դրական, տհաճ զգացողություններից զուրկ վարժություն:

Խաղ – քաշքշուկ – ծնողներն ու դաստիարակները հաճախ փորձում են երեխաներին հետ վարժեցնել այն խաղերից, որոնք վերածվում են քաշքշոցի և երեխաներին այդքան շատ դուր են գալիս: Ծնողները սովորաբար ձգտում են փոքրացնել մանկական ազդեցիվությունը և թույլ չտալ, որ երեխաների միջև կռիվ լինի: Բայց խաղ-քաշքշուկը իսկական կռիվ չէ:

Լեզվական խաղ - երեխաները սիրում են խաղալ բառերով: Նրանք փորձում են լեզվի ռիթմիկ կառուցվածքը և երաժշտականությունը, միավորում են բառերն իրար հետ՝ նրանց նոր նշանակություն տալով:

Ա.Մ. Գորկին գտնում էր, որ խաղը երեխաների համար ճանապարհ է դեպի իմացության աշխարհ, որում նրանք ապրում են և որը կոչված են փոխելու: 7 տարեկանից հետո խաղը երեխաների կյանքում սկսում է քիչ տեղ զբաղեցնել:

Կ. Օտալորան, երեխաների ամենօրյա գործունեության սեփական դիտումների հիման վրա վերլուծել է մանկական խաղերի առանձնահատկությունները: Հենվելով Էլկոնինի կոնցեպցիայի վրա, նա բացահայտել է տարբեր տարիքի երեխաներին առավել բնորոշ խաղերի տեսակները.

Խաղ-զվարճանք – նրա նպատակը մասնակիցներին ուրախացնելն է (օրինակ բռնել իրար և խուտուտ տալ):

Խաղ-վարժանք - բացակայում է սյուժեն, գերակշռում են ֆիզիկական գործողությունները, որոնք կրկնվում են (սողալ գերանի վրայով, կռվել իրար հետ և այլն):

Սյուժետային խաղ - առկա են խաղային գործողություններ և երևակայական իրադրություն: Առավել հաճախ հանդիպող խաղերն են կերակուրի պատրաստումը և մրգերի հավաքումը:

Գործընթացային-ընթացակող խաղ - այն գործողությունների կամ իրադրությունների վերարտադրությունն է, որոնք երեխան տեսել է ռեալ կյանքում (օրինակ՝ աղջիկը շվիի ձայն է լսում, նույն պահին նա փայտիկ է վերցնում, փչում նրա մեջ):

Ավանդական խաղ - այն, որը փոխանցվում է սերընդեսերունդ, ունի կանոններ:

Մանկական խաղն ունի պատմական և սոցիալական, և ոչ թե կենսաբանական բնույթ: Տարբեր մշակույթներում ու հանրույթներում մանակական խաղերը փոխում են իրենց բովանդակությունն ու ձևերը:

Խաղային գործունեությունը ազդում է հոգեկան գործընթացների կամայինության ձևավորման վրա: Այսպես, խաղում երեխաների մոտ սկսում են զարգանալ կամային ուշադրությունն ու հիշողությունը: Խաղի պայմաններում երեխաներն ավելի լավ են կենտրոնանում և շատ մտապահում, քան լաբորատոր փորձերի ժամանակ: Եթե

երեխան ուշադիր չէ նրա նկատմամբ, ինչ իրենից պահանջում է խաղային իրադրությունը, եթե չի մտապահում խաղի պայմանները, ապա նա պարզապես վռնդվում է հասակակիցների կողմից: Շփման, հուզական խրախուսանքի պահանջմունքը երեխային հարկադրում են նպատակաուղղված կենտրոնացում և մտապահում:

Խաղը շատ մեծ ազդեցություն է գործում խոսքի զարգացման վրա: Եթե երեխան ի վիճակի չէ խաղի ընթացքի վերաբերյալ իր ցանկությունները հստակորեն արտահայտելու, եթե չի հասկանում խաղընկերների հրահանգները, ապա նրա ներկայությունը բռն է դառնում մյուս մասնակիցների համար: Այս պայմաններում առաջացող հուզական անբարեկեցիկ վիճակը խթանում է խոսքի զարգացմանը:

Խաղային իրադրությունները և նրա հետ կատարվող գործողությունները մշտական ներգործություն են ունենում նախադպրոցական տարիքի երեխայի մտավոր զարգացման համար: Աստիճանաբար առարկաների հետ խաղային գործողությունները կրճատվում են, երեխան սովորում է մտածել առարկաների մասին և գործել նրանց հետ մտավոր մակարդակում: Խաղը մեծ չափով նպաստում է նրան, որ երեխան աստիճանաբար անցնում է պատկերացումային մտածողության:

Երեխայի մտավոր զարգացման մասին Ժան Պիաժեի ստեղծած տեսության մեջ կան մտածողության և ընկալման այն առանձնահատկությունները, որն արտահայտվում է հետևյալ կերպ. երեխան շրջապատը և մարդկանց կարող է ընկալել և գնահատել միայն իր տեսակետից, մտովի կարող է կանգնել ուրիշի տեսակետի վրա: Այս երևույթը Պիաժեն անվանում է էգոցենտրիզմ (եսակենտրոնություն): Էգոցենտրիզմի հետևանքներն են երեխայի մտածողության այնպիսի առանձնահատկությունները, ինչպիսիք են սինկրետիզմը, հակասությունների նկատմամբ անզգայունակությունը: Էգոցենտրիզմը հանգեցնում է նաև սուբյեկտիվիզմի և սեփական ընկալումները ուրիշներին վերագրելուն: Դերային խաղը վճռորոշ նշանակություն ունի երևակայության զարգացման համար: Խաղային գործունեության մեջ երեխան սովորում է փոխարինել մի առարկան մյուսով, իր վրա տարբեր դերեր վերցնել: Այս ամենը նպաստում է երևակայության զարգացմանը⁸:

⁸ Мухина В.С., Возрастная психология, М. 1996, էջ 63:

Խաղի ազդեցությունը երեխայի անձի զարգացման վրա կայանում է նրանում, որ նրա միջոցով նա ծանոթանում է մեծ մարդկանց վարքի և փոխհարաբերությունների հետ, որոնք օրինակ են դառնում նրա սեփական վարքի համար, և նրանում է երեխան ձեռք բերում շփման հիմնական հմտությունները, որակները, որոնք անհրաժեշտ են հասակակիցների հետ շփման համար:

Գրավելով երեխային և նրան ստիպելով ենթարկվել իր վերցրած դերի կանոններին, խաղը նպաստում է զգացմունքների և վարքի կամային կարգավորման զարգացմանը:

Խաղային գործունեության ներսում սկսում է ձևավորվել նաև ուսումնականը, որն առավել է առաջատար: Ուսուցման տարրերը մտցնում է մեծահասակը, դրանք չեն բխում անմիջականորեն խաղից: Նախադպրոցականը սկսում է սովորել խաղալով, նա ուսուցմանը վերաբերվում է որպես յուրահաստուկ դերային խաղ իր որոշակի կանոններով: Մակայն պահպանելով այդ կանոնները՝ երեխան իր համար աննկատ յուրացնում է տարրական ուսումնական գործողություններ: Նախադպրոցականի մոտ հայտնվում է սովորելու ցանկություն և կազմավորվում են առաջնային կարողությունները:

Մարդկային պատմության մեջ խաղալիքը ծագում է որպես երեխայի իրեն ժամանակակից հասարակական հարաբերությունների համակարգին նախապատրաստելու միջոց: Խաղալիքը իր է, որը ծառայում է ուրախանալուն և զվարճանալուն, սակայն միևնույն ժամանակ հանդիսանում է երեխայի հոգեկանի զարգացման միջոց:

Մանկության տարիքում երեխան ստանում է խաղալիքներ, որոնք որոշում են նրա վարքային ակտիվության բովանդակությունը, նրա մոնիպուլյացիաներ անելը: Նա ուշադիր զննում է իր առջև կախված խաղալիքները, ինչը վարժեցնում է նրա ընկալումը:

Եզրակացություն

Այսպիսով, ուսումնասիրելով վերոնշյալ թեման, եկանք այն եզրահանգման, որ Հաղորդակցությունը տեղեկությունների փոխանցման գործընթացն է, որը կատարվում է իմաստավոր շարժումներով՝ խոսք, մարմնի լեզու, դիմադադ, մամուլի կամ էլեկտրոնային փոստի մեդիա հաղորդագրություններով՝ համակարգիչ, հեռախոս, ռադիո, հեռուստատեսություն: Հենց այս աղբյուրներից երեխաները լսում, տեսնում և վերցնում են տեղեկատվությունը, ինչն էլ որոշակի բառապաշարով, քերականական ճիշտ կամ սխալ կառույցով, կապակցված կամ ոչ կապակցված խոսքով փոխանցում շրջապատին: Հաղորդակցումը հասարակական սուբյեկտների /անձ, սոցիալական խումբ/ փոխներգործության գործընթաց է, որի ժամանակ տեղի է ունենում տեղեկության, փորձի, գիտելիքների, կարողությունների և գործունեության արդյունքների փոխանակում:

Ժամանակակից հասարակության մշակույթը նախորդ ժամանակաշրջանների համեմատությամբ անսովոր փոփոխական է. նրա կողմնորոշիչները շատ ավելի արագ են փոխվում, քան երբևէ, ու բազմաթիվ ուղղություններով: Իսկ այդ մշակույթի առանցքը հիմնականում ՋԼՄ-ներն են, որոնցում ավելի ու ավելի մեծ թիվ են կազմում էլեկտրոնայինները: Գլոբալ տեղեկատվականայնացումը բնական և մարդկային կենսագործունեության նոր միջավայր է ձևավորում: Մեդիամիջավայրում երեխաների հաղորդակցման կարողությունների ձևավորման առանձնահատկությունների դիտարկման արդյունքում կարող ենք եզրակացնել, որ այն բազմակողմանի ու բարդ գործընթաց է, մշտապես եղել և գտնվում է գիտության տարբեր ոլորտների՝ մանկավարժության, մեդիակրթության, հոգեբանության, հոգելեզվաբանության, լեզվաբանության, լեզվի դասավանդման մեթոդիկայի մասնագետների հետաքրքրությունների կիզակետում: Գլխավոր հարցը, որ քննվում է այս բնագավառների մասնագետների կողմից, հետևյալն է. մեդիամիջավայրում երեխաների հաղորդակցական կարողությունը ձևավորվում և դրսևորվում են գիտակցականի^օ, թե^օ ենթագիտակցականի մակարդակում:

Օգտագործված գրականության ցանկ

1. Բաղայան Օ., ՌԻսում և մտավոր զարգացում, Եր. 2001.
2. Եղիազարյան Ա., Ազգային դպրոց և ազգային գրականություն, Գիտելիք 1, 2001.
3. Զոհրաբյան Ա., Հովհաննիսյան Գ. և ուրիշներ, Ուսուցման կոնստրուկտիվիստական մեթոդաբանություն, ԱՅՐԵՔՍԵ, Երևան, 2002.
4. Ղազարյան Գ. Հ., Հոգեկան խթանման ազդեցությունը ուսուցման արդյունավետության վրա, Գիտելիք 1, 2002.
5. Մանտուլենկո Վ., Մեդիակրթությունը ժամանակակից աշխարհում, <http://notebook.mskh.am/>
6. Պոլատ Ե. Խ., Կրթական համակարգերի զարգացման հիմնական միտումները համաշխարհային մանկավարժական պրակտիկայում, Գիտելիք 1, 2001.
7. Маршал Маклюэн, “Понимание медиа: внешние расширения человека”, Москва, “Гипербория”, 2007г.
8. Мухина В.С. Возрастная психология: феноменология развития, детство, отрочество: Учебник для вузов. – М.: Академия, 2003.
9. Саффил Л., Подростки- зрители мыльных опер, Массовая культура. современные западные исследования - Сборник статей - Часть I, www.fedy-diary.ru/html/112010/021/2010-02a.html.
10. Шуман С.Г. Школьный конфликт глазами психолога. // Педагогика, 2001. №9.